



Broj: 10-05-20183/18  
Sarajevo, 28.05.2018.godine

**SKUPŠTINA KANTONA SARAJEVO**  
**-Služba za skupštinske poslove-**

**PREDMET : Odgovor na zastupničko pitanje**

Zastupnica Neira Dizdarević, na 42. Radnoj sjednici Skupštine Kantona Sarajevo, održanoj 07.05.2018. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila je zastupničko pitanje:

**“Upoznati smo da je sredinom mjeseca marta proglašena epidemija morbila u Istočnom Sarajevu. Takođe, početkom tekućeg mjeseca epidemija je proglašena i na teritoriji Banja Luke.Imajući u vidu da se radi o izuzetno zaraznom oboljenju, sa čak smrtnim ishodima u zemljama u regionu, postoji opasnost od pojave bolesti u našem kantonu. Moje pitanje glasi: koje aktivnosti, sa ciljem prevencije ili bar ublažavanja posljedica eventualne epidemije, poduzima Ministarstvo zdravstva KS”.**

U vezi sa postavljenim zastupničkim pitanjem dostavljamo slijedeći:

**ODGOVOR**

Program obaveznih imunizacija odvija se u skladu sa Naredbom o programu obaveznih imunizacija stanovništva protiv zaraznih bolesti u 2018.godini, koju donosi federalni ministar zdravstva, na prijedlog Zavoda za javno zdravstvo Federacije BiH (“Službene novine FBiH”, broj 24/18). Eventualno proglašenje epidemije provodi se u skladu sa Zakonom o zaštiti stanovništva od zaraznih bolesti („Službene novine Federacije BiH, br. 29/05).

Obuhvat imunizacijom u Kantonu Sarajevo je znatno niži od potrebnih vrijednosti za postizanje kolektivnog imuniteta, a to je 95% za cjepivo protiv morbila, rubeole i parotitisa, odnosno 90% za ostala cjepiva.

Ove vrijednosti znak su pada kvalitata kolektivnog imuniteta populacije protiv ovih bolesti i prijetnja za njihovim ponovnim javljanjem u epidemijskom obliku, ali ne zbog nestašice vakcina, već zbog odbijanja roditelja da vakcinišu djecu, iako je imunizacija protiv MRP obavezna.

S tim u vezi, Ministarstvo zdravstva je uputilo u martu ove godine dopis javnim zdravstvenim ustanovama da je neophodno da pojačaju promotivne aktivnosti u koje treba da se uključe svi



zdravstveni radnici, a posebno oni koji su direktno uključeni u program imunizacije, sa ciljem upoznavanja roditelja i javnosti o važnosti vakcinacije u sprečavanju zaraznih bolesti.

Ministarstvo zdravstva će sa svoje strane pokrenuti aktivnosti na osiguranju potrebnih sredstva za štampanje promotivnih materijala za roditelje o samom oboljenju i komplikacijama koje može izazvati ova bolest, kao i o važnosti imunizacije u sprečavanju zaraznih bolesti.

Napominjemo da je, u skladu sa zakonskim propisima, zaštita od zaraznih bolesti dužnost jedinica lokalne samouprave - općina, kantona i Federacije, zdravstvenih ustanova, nosioca privatne prakse, privrednih društava i drugih pravnih i fizičkih lica, te su promotivne aktivnosti o značaju imunizacije zajednička društvena odgovornost.



**MINISTRICA**

**Zilha Ademaj, dipl.oec.**



web: <http://mz.ks.gov.ba>  
e-mail: [minzdrav@ks.gov.ba](mailto:minzdrav@ks.gov.ba)  
Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1

